





改朔問考證

55
= 5
2141





2141

改朝問考證



去玉味

高敏慎集錄

順天時證

○子曰夫大人者與天地合其德與日月合其明與四時合其序與鬼神合其吉凶先天而天不違後天而奉天時天且弗違而况於人乎况於鬼神乎周易繫辭○爻六年傳曰閏月不告朔非禮也閏以正時時以作事事以厚生生民之道於是乎在不告閏朔棄時政也何以爲

民子周禮曰大史閏月詔王居門終月○論語八佾篇曰

禮昭廿五年傳曰則天之明因地之性○因天之時

就地之利經孝○則天之明因地之利以訓天下經孝○出

令不信刑政放紛動不順時民無據依不知所力又曰古

者大史順時規土語周○聖人不能為時時至弗失策戰國

山書陞○順天之意得天之賞者有矣天墨子○子曰天何

言哉四時行焉百物生焉陽論語○仲尼祖述堯舜憲章

文武上律天時下襲水土辟如天地之無不持載無不

覆幬辟如四時錯行如日月之代明萬物並育而不相

害道並行而不相悖庸中○帝者不體陰陽即侵王者不

法四時即削下文子○唯不帥天地之度不順四時之序

不度民之義不儀生物之則以殄滅無胤周語靈○且

吾所以天之愛民之厚者有矣曰以曆為日月星辰以

昭道之制為四時春夏秋冬以紀綱之雷降雪霜雨露

以長遂五穀麻絲使民得而財利之墨子

不法天四時違證

○人之力有可以奪天地造物者如冬起雷夏起冰死

屍能行枯木能華子關尹○天不能冬蓮春菡是以聖人

不違時子關尹○明君之所以立功成名者四一曰天時

二曰人心三曰技能四曰勢位非天時雖十堯不能冬

生一穗韓非子 四時冬起雷夏造冰飛者走走者飛

列子 開春始雷則蟄虫動矣時雨降則草木育矣呂氏

周穆 周公曰冬日之閉凍也不固則春夏長草木也不

茂天地不能常侈常費而况於人乎韓非子

四時氣候古與今同證

○天不易其常地不易其則春秋冬夏不易其節古今

一也管子形勢第二 ○斗柄東指天下皆春斗柄南指天下皆

夏斗柄西指天下皆秋斗柄北指天下皆冬鶡冠子

○春用蒼龍夏用赤鳥秋用白虎冬用玄武鶡冠子

○疾風大寒盛夏炎熱吳子 日月星辰瑞曆是禹桀

之所同也禹以治桀以亂治亂非天也時耶曰繁啓蕃

長於春夏蓄積收藏於秋冬是又禹桀之所同也禹以

治桀以亂治亂非時也荀子 天論漢高祖臣陸賈新語

紂不易星 ○命大史守典奉法司天日月星辰之行宿

離不貸母失經紀以初為常又曰母變天之道母絕地

之理母亂人之紀月 ○天覆萬物而制之地載萬物而

養之四時生長萬物而收藏之古以至今不更其道故

曰古今一也管子形勢解 ○唯聖人知四時不知四時乃失

國之基又曰陰陽者天地之大理也四時者陰陽之大

經也管子四時第四 ○襄廿六年傳曰古之治民者勸賞而

畏刑恤民不倦賞以春夏刑以秋冬○周禮曰天官冢宰治官地官司徒教官宗伯春官司馬夏官司寇秋官司空冬官

○天有時地有氣又曰天有時以生有時以殺草木有時以生有時以死周禮考○春者陽氣始上故萬物生

夏者陽氣畢上故萬物長秋者陰氣始下故萬物收冬者陰氣畢下故萬物藏故春夏生長秋冬收藏四時之

節也賞賜刑罰主之節也管子四時第四十○越語范蠡曰四封之內百姓之事時節三樂不亂民功不逆天時

○管子輕重已八十五曰

以冬至今所謂始數四百今所謂冬至今所謂以冬至今所謂始數九百謂之夏至今所謂夏至今所謂

以春至今所謂始數四百今所謂春盡而夏始今所謂以春日至今所謂始數九百謂之夏至今所謂夏至今所謂

以夏至今所謂始數四百今所謂夏盡而秋始今所謂以夏至今所謂始數九百謂之秋至今所謂秋至今所謂

以秋至今所謂始數四百今所謂秋盡而冬始今所謂以秋日至今所謂始數九百謂之秋至今所謂秋至今所謂

○孟獻子曰正月日至可也以有事於上帝七月日至可也以有事於祖禮雜記之語○襄廿九年傳曰正月公在楚釋不朝正于廟也莊廿九年傳曰冬十二月城諸

及防書時也凡土功龍見而畢務戒事也火見而致用水昏正而裁日至而畢○桓五年傳曰龍見而零○昭廿九年傳曰水正曰玄冥○嚴卿曰日至而畢言冬日至所謂也○僖五年傳曰春王正月辛亥朔日南至公既視朔遂登觀臺以望而書禮也凡分至啓閉必書雲物為備故也文十一年傳曰公四年不視朔疾也○嚴卿曰

亦陽之玉謂日至于陽之時也分立仲春閉仲冬昭廿年傳曰春

王二月己丑日南至梓慎望氛曰今茲宋有亂國幾亡

按前年失閏故立春當二月朔○冬日則飲湯夏日則飲水孟子告子

語○冬日則為之饘粥夏日則與之瓜麩荀子富國○冬日

作寒夏日作暑荀子賦○何所冬暖何所夏寒楚辭天問○悲

秋風之動容兮又曰望孟夏短夜兮楚辭哀郢○悲哉秋之

為氣也蕭瑟兮草木搖落而變衰楚辭九辨○月令曰

又曰皇天平分四時兮竊獨悲此廩秋白露既下百草

兮奄離披此梧楸公白日之昭昭兮襲長夜之悠悠離

芳藹之方壯兮余萎約而悲愁秋既先戒以白露兮冬

又申之以嚴霜收歎台之孟夏兮然欲係而沈藏

○呂氏春秋貴信曰

春之德風風不信其華不盛華不盛則果實不生

夏之德暑暑不信其土不肥土不肥則長遂不精

秋之德雨雨不信其穀不堅穀不堅則五種不成

冬之德寒寒不信其地不剛地不剛則凍閉不開

衣服

○先王之教曰雨畢而除道水涸而成梁草木節解而

備藏隕霜而冬裘具清風至而修城郭脩宮室故夏令

曰九月除道十月成梁又曰陳國火朝覲矣而道路若

塞野場若棄澤不陂障川無舟梁是廢先王之教也

周語

月令曰九月霜始降又十月天子始裘周禮司裘曰仲秋獻良裘又季秋獻功裘

○其為衣

裘何以為冬以圍寒夏以圍暑凡為衣裳之道冬加溫

夏加清者墨子節用○閔二年十二月傳曰孤突曰時事之

徵也衣身之章也佩衷之旗也故敬其事則命以始服

其身則衣之純用其衷則佩之度今命以時率閔其事

也○今王易初不循俗胡服而不顧世非所以教民而

成禮也且服奇者志淫俗僻者亂民是以涖國者不襲

奇僻之服戰國策趙武靈王章○當暑絺絺絺必表而出論語鄉黨

○如冬裘夏葛列子湯問○冬日魔裘夏日葛衣韓非子五蠹語

語曰賈人夏則資皮冬則資絺○冬服紺緌之衣輕且暖夏服絺絺之

衣輕且清則止矣墨子節用語○百姓冬不

寒夏不佻暑作疾病墨子節葬語○太公曰將冬不服裘

夏不操扇雨不張蓋名曰禮將六韜勵軍

稼穡

○景公春夏游獵又起大臺之役晏子諫曰春夏起役

且游獵棄民農時國家空虛不可晏子諫上○春夏夫出於

南畝秋冬女練於布帛則民不困尉繚○天下有不服

之國則王以此春圍其農夏食其食秋取其刈冬陳其

室商子來民○周頌豐年豐年多黍多稌亦有高廩萬億及

秣○周頌序曰噫嘻春夏祈穀于上帝也噫嘻成王既

昭假爾率時農夫播厥百穀○春省耕而補不足秋省

歛而助不給孟子惠王語○春耕夏耘秋收冬藏四者不

失時故五穀不絕而百姓有餘也荀子○黃帝曰凡稼

登者先時暮者不及時寒暑不節稼乃生災冬至以後

五旬七日而昌生於是乎始耕事農之道元倉子○四

時者春生夏長秋收冬藏文子○戰國之時涓子答梁

轆曰草木皆春生秋落必矣○農夫春耕夏耘秋歛冬

藏墨子○庚桑子曰夫春氣發而百草生正得秋而萬

室成夫春與秋豈無得而然哉莊子康○周禮薙氏曰

掌殺草春始生而萌之夏日至而蕘之秋繩而芟之冬

日至而耜之左傳曰如農夫之務本○周禮人曰凡稼澤夏以水

春祭

○舜典曰歲二月東巡守至于岱宗柴望秩山川肆觀

東后爾雅曰泰山為東嶽周頌般序曰巡守祀四嶽海

河也周頌時邁序曰巡守而告祭柴望也哀六年秋傳

昭王曰三代名祀祭不越望江漢睢漳楚之望也禍福

之至不是過也不穀雖不德河非所獲罪也遂弗祭孔子

曰楚昭王知大道矣○桓五年傳曰凡祀啓蟄而郊龍

草而芟蕘之○月令曰六月燒薙行水利以殺草如以熟湯

其本根○周禮人曰凡稼澤夏以水殄

下德子○戰國之時涓子答梁

三墨子○庚桑子曰夫春氣發而百草生正得秋而萬

莊子康

○周禮薙氏曰

左傳曰如農夫之務本○周禮人曰凡稼澤夏以水殄

見而雩始殺而嘗閉蟄而丞過則書爾雅曰春祭曰祠周禮宗伯曰以祠春享先王月令曰仲春之月擇元日命民社周禮大司馬曰仲春獻禽祭社周頌曰昊天有成命郊祀天地也周禮小宗伯曰社之日涖來歲之稼○嚴公如齊觀社曹劌諫曰不可夫禮所以正民也是故先王制諸侯使五年四王一相朝也又曰夫齊奔太公之法而觀民於社君為是舉而往觀之非故業也何以訓民土發而社助時也收擗而烝納要也今齊社而往觀旅非先王訓也魯語○諸侯五年再相朝見文十五年傳○僖三十一

年夏四月四卜郊不從乃免牲猶三望傳曰非禮也猶三望亦非禮也禮不卜常祀而卜其牲日牛卜日曰牲牲成而卜郊上怠慢也望郊之細也不郊亦無望可也○宣三年正月郊牛之口傷改卜牛牛死乃不郊猶三望傳曰不郊而望皆非禮也望郊之屬也不郊亦無望可也○成十年夏四月五卜郊不從乃不郊十七年秋九月辛丑用郊○襄七年夏四月三卜郊不從乃免牲傳曰孟獻子曰吾乃今而後知有卜筮夫郊祀后稷以祈農事也是故啓蟄而郊郊而後耕今既耕而卜郊宜其不從也十一年夏四月四卜郊不從乃不郊○哀元年四月辛巳郊

夏祭

○舜典曰五月南巡守至于南岳如岱禮爾雅曰霍山為南嶽○桓五年傳龍見而雩又曰過則書爾雅曰夏祭曰禘周禮宗伯曰以禴夏享先王月令曰仲夏大雩帝論語曰曾點曰暮春春服既成冠者五六人童子六七人浴乎沂風舞雩詠而歸周禮司巫曰若國大旱則師巫舞雩○桓五年秋大雩傳曰秋大雩書不時也○僖十三年秋九月大雩○成三年秋大雩○七年冬大雩○襄五年秋大雩傳曰大雩旱也○八年秋九月大雩傳曰大雩旱也○十六年秋大雩○廿八年秋八月大雩傳曰大雩旱也○昭三年秋大雩傳曰八月大雩旱也○六年秋九月大雩傳曰大雩旱也○八年秋大雩○十六年秋九月大雩傳曰大雩旱也○廿四年秋八月大雩傳曰大雩旱也○廿五年七月上辛大雩季辛又大雩傳曰秋書再雩旱甚也○定元年秋九月大雩○七年秋大雩秋九月大雩○哀十五年秋大雩

秋祭

○舜典曰八月西巡守至于西岳如禘爾雅曰華山為西嶽○桓五年傳曰始殺而嘗又曰過則書爾雅曰秋祭曰嘗周禮宗伯曰以嘗秋享先王月令曰仲秋以犬

嘗麻 ○桓十四年秋八月嘗傳曰御廩災乙亥嘗書不

害也按常祭不書而書者示其不害也 ○襄廿八年傳曰十一月乙亥

冬祭

嘗于太公之廟按爾雅秋祭曰嘗冬嘗于太公之廟非禮也周禮大宗伯曰嘗之日涖卜來歲之芘月令曰九月大饗帝嘗又曰為來歲受朔日

春獵

舜典曰十有一月朔巡守至于北岳如西禮爾雅曰恒山為北嶽 ○桓五年傳曰閉蟄而丞又曰過則書爾雅曰冬祭曰丞周禮宗伯曰以丞冬享先王月令曰孟冬大飲丞 ○桓八年春正月己卯丞夏五月丁巳丞

夏獵

○隱五年傳曰春蒐夏苗秋獮冬狩皆於農隙以講事也爾雅曰春獵為蒐周禮大司馬曰仲春之月遂以蒐田周語曰蒐於農隙齊語曰春以狡振旅 ○昭八年秋蒐于紅傳曰秋大蒐于紅自根牟至于商衛革車千乘 ○定十三年夏大蒐于比蒲定十四年秋蒐于比蒲

秋獵

○隱五年傳曰夏苗又曰於農隙以講事也爾雅曰夏獵為苗周禮大司馬曰仲夏之月遂以苗田 ○昭廿三年傳春大苗于昌間

○隱五年傳曰秋獮又曰於農隙以講事也爾雅曰秋獮為獮周禮大司馬曰仲秋遂以獮田周語曰擇獲亦於藉獮於既丞丞升也齊語曰秋以獮治兵周禮小宗伯曰獮之日涖卜來歲之戒

冬獮

○隱五年傳曰冬狩又曰於農隙以講事也爾雅曰冬獮為狩周禮大司馬曰仲冬遂以狩田周語曰狩於畢時昭廿三年傳沈尹戌曰三務成功周語曰宣王即位章曰三時務農而一時講武桓六年傳曰謂其三時不害而民和年豐也○桓四年春正月狩于郎傳曰書時

禮也○莊四年冬公及齊人狩于樵按常獮不書也而書者及齊人狩故

也自夏以下○哀十四年春西狩獲麟無傳恐闕文

城

○莊廿九年傳冬十二月城諸及防書時也凡土功龍見而畢務戒事也火見而致用水昏正而栽日至而畢

嚴卿曰日至謂冬日至僖十九年冬○周語三時務農傳曰初梁伯好土功丞城而弗處

一時講武又曰營室之中土功其始火之始見期司里又冬裘具清風至而修城郭宮室○隱七年夏城中丘傳曰書不時也○九年夏城郎傳曰書不時也○桓五年夏城祝丘○十六年冬城向傳曰書時也○莊廿八

年冬築郿傳曰非都也凡有宗廟先君之主曰都無曰
邑邑曰築都曰城○世一年春築臺于郎夏築臺于薛
秋築臺于秦○世二年春城小穀傳為管仲也○僖二
年春城楚丘傳曰諸侯城楚丘而封衛焉不書所會後
也○十四年春城綠陵傳曰諸侯城綠陵而遷杞焉○
廿年春新作南門傳曰書不時也凡啓塞從時○文七
年春城郟○宣八年冬城平陽傳曰書時也○成四年
冬城鄆○九年冬城中城傳曰書時也○十八年秋八
月築鹿囿傳曰書不時也○襄七年夏城費傳曰南遺
為費宰叔仲昭伯為遂正欲善李氏而求媚於南遺謂

遺請城費吾多與而役故李氏城費○十三年冬城防
傳曰書事時也於是將早城臧武仲請俟畢農事禮也
○十五年夏城成郛傳曰齊侯圍成戴於晉故也○昭
九年冬築郎囿傳曰書時也○世二年冬城成周傳曰
昔成王合諸侯城成周以為東都崇文德焉今我欲徼
福假靈于成王修成周之城俾成人無勤○定六年冬
城中城○哀三年夏城啓陽○四年夏城西郛○五年
春城昆○六年春城邾那

蟲

○隱元年傳曰八月有蜚不為災不書

蜚音非

○莊十

八年秋有螽傳為災也○廿九年秋有蜚傳曰為災也
凡物不為災不書也○僖十五年八月螽○文三年秋
雨螽于宋傳曰秋雨螽于宋墜死也螽之戎切音終○八年冬
螽○宣六年秋八月螽○十三年秋螽○十五年秋螽
冬螽生饑傳冬螽生饑幸之也緣音○襄七年秋八月
螽○哀十二年冬十二月螽傳冬十二月螽季孫問諸
仲尼曰丘聞之火伏而後螽者畢今火猶西流司曆過
也○十三年秋九月螽冬十二月螽月令孟秋行夏令
則國多暴風方冬不寒螽虫復出

水

桓元年秋大水傳秋大水凡平原出水為大水○十
三年夏大水○莊七年秋大水○十一年秋宋大水傳
秋宋大水公使弔焉天作淫雨害於梁盛若之何不弔

桓六年傳潔粢豐盛謂其三時不害而民和年豐也又
曰祝史矯舉以祭臣不知其可公曰吾牲牷肥腍粢盛
于門亦非常也凡天災有幣無牲○成五年
秋大水

旱

○莊世一年冬不雨○僖三年春正月不雨夏四月不
雨傳三年春不雨夏六月雨自十月不雨至于五月不
曰旱不為災也○廿一年夏大旱傳曰是年也饑而不
害○文二年自十有二月不雨至于秋七月孟子離婁
曰又苟為

無本七八月之間雨集溝澮皆盈其涸也可立而待也
○宣七年秋大旱孟子梁惠王章上篇曰七八月之間
稿旱苗
○十年自正月不雨至于秋七月
○十三年自正
月不雨至于秋七月

雹

○僖廿九年秋大雨雹傳曰為災也
○昭三年冬大雨
雹
○四年春王正月雨雹

雪

○隱九年三月癸酉大雨震電傳曰癸酉大雨霖以震
書始也
○庚辰大雨雪傳曰庚辰大雨雪亦如之書時
失也凡雨自三日以往為霖平地尺為大雪
○桓八年

冬十月雨雪
○僖十年冬大雨雪

冰

○桓十四年春無冰周書君牙曰心之憂危若蹈虎尾
涉春冰
○成元年春二月無冰按例春無冰皆正月也在
正月雨木冰
○襄廿八年春無冰傳曰有時苗陰不堪陽襄
廿七年十一月乙亥朔日有食之辰在申司曆過也再失閏矣

草木

○莊七年秋無麥苗傳曰無麥苗不害嘉穀按麥苗言
今八月勸種麥管子曰九月種麥淮南子
天門訓曰禾春生秋死薺冬生中夏死
○廿八年冬
大無麥禾傳曰冬饑爾雅曰穀不熟為饑
○僖世三年
傳曰十二月隕霜不殺草李梅實
○通鑑曰周孝王十

三年晉國桃李冬實秦猷公之時桃冬花前漢呂后皇
之時秋李花實前漢惠帝五年冬風雷頻至桃李華棗
實唐太宗之時十月李華○素問本病論云小陽不退
位即熱生於春暑迺後化冬溫不冰流水不凍蟄虫出
見○定元年冬十月隕霜殺菽爾雅曰戎叔謂之荏菽
管子戒曰冬葱與戎菽布之天下

食

○莊廿五年夏六月辛未朔日有食之鼓用牲于社非
常也唯正月之朔匿未作日有食之於是乎用幣乎社
伐鼓于朝嚴卿曰伐鼓于社天子禮也周禮封人曰救日月則詔王鼓○昭十七年

傳曰夏六月甲戌朔日有食之祝史請所用幣昭子曰
日有食之天子不舉伐鼓于社諸侯用幣於社伐鼓於
朝禮也平子禦之曰止也唯正月朔匿未作日有食之
於是乎有伐鼓用幣禮也其餘則否大史曰在此月也
日過分未至三辰有災於是乎百官降物君不舉辟而
移時樂奏鼓祝用幣史用辭故夏書曰辰不集于房瞽
奏鼓嗇夫馳庶人走此月朔之謂也當夏四月謂之孟
夏平子不從昭子退而曰夫子將有異志不君君矣嚴卿
曰分謂立夏至謂立秋當夏四月謂之孟夏○文十五年傳六
之孟夏謹考非三子語脈疑註解乎月辛丑朔日有食之鼓用牲于社非禮也關文日有食之天

子不舉伐鼓于社諸侯用幣于社伐鼓于朝以昭事神

訓民事君示有等威古之道也嚴卿曰唯正月朔置未

幣于社伐鼓于朝此諸侯之禮也莊廿五年秋大水鼓

用牲于社于門亦非常也凡天災有幣無牲非日月之

鼓○昭七年傳四月甲辰朔日有食之晉侯問於士

父伯曰誰將當日食對曰魯衛惡之衛大魯小公曰何

故對曰去衛地如魯地於是有災魯實受之其大咎其

衛君乎魯將上卿公曰詩所謂彼日而食于何不臧者

何也對曰不善政之謂也國無政不用善則自取謫于

日月之災故政不可不慎也務三而已一曰擇人二曰

因民三曰從時○昭廿四年傳夏五月乙未朔日有食

之梓慎曰將水昭子曰旱也日過分而陽猶不克克必

甚能無旱乎陽不克莫將積聚嚴卿曰分謂立夏立冬

而陽猶不克則不得不莫莫則將積○昭廿二年秋七

月壬午朔日有食之公問於梓慎曰是何物也禍福何

為對曰二至二分日有食之不為災日月之行也分同

道也至相過也其他月則為災陽不克也故常為水於

是叔輒哭日食昭子曰子叔將死非所哭也嚴卿曰分

冬至謂立春立秋其他月二月三月○胤征曰季秋月

五月六月八月九月霜月臘月也朔辰弗集于房瞽奏鼓嗇夫馳庶人走羲和尸厥官罔

聞知昏迷于天象以于先王誅○莊世年九月庚午朔

日有食之，鼓用牲于社。莊廿五年傳曰：凡天災有幣，無牲。○襄廿七年十二月乙亥朔，日有食之。傳云十一月乙亥朔，日有食之。辰有申，司曆過也。再失閏矣。○昭七年，晉公謂伯瑕曰：吾所問日食，從矣。可常乎？對曰：不可。六物不同，民心不一，事序不類，官職不則，同始異終，胡可常也？詩曰：或燕燕居息，或憔悴事國，其異終也。如是。公曰：何謂六物？對曰：歲時、日月、星辰，是謂也。公曰：多語寡人，辰而莫同，何謂辰？對曰：日月之會，是謂辰。故以配日。

○正月曰子孟春

爾雅春為蒼天，又為正月。陽為發生，正月為陔。

至

○莊廿五年傳：唯正月之朔，匪未作，日有食之，於之乎？用幣于社，伐鼓于朝。

○月令曰：東風解冰，蟄蟲始振。又曰：天氣下降，地氣上騰，天地和同，草木萌動。

○詩豳風曰：三之日于耜。

○月令曰：此月也，以元日祈穀于上帝，乃擇元辰，天子親載耒耜，措之于參保，以御間，帥三公九卿諸侯大夫躬耕，帝藉。天子三推，三公五推，卿諸侯九推。

○周頌噫嘻：春夏祈穀于上帝也。

○周語曰：大史順時，視土陽瘡，憤盈土氣，震發農祥。晨正日月底於天廟，土乃脉發。先時九日，大史告稷曰：自今至於初吉，陽氣俱蒸，土膏其動。又曰：大史贊王，王敬從之，王耕一撥，班三之，庶人終於千畝。

○管子輕重章曰：正月之朝，穀之始也。日至百，日叅林之始也。九月歛實，平麥之始也。周禮大宗伯曰：春見曰朝，夏見曰宗，秋見曰覲，冬見曰遇。周禮黨正：去及四時，子孟月吉日，屬民讀邦法，論語鄉黨曰：吉月必朝服而朝。○周頌載芾：春藉田而祈社稷也。

○哀十七年正二月傳曰衛侯為虎幄於藉圃成

○周禮內宰曰上春王后帥六官之人而生種稷之種而獻之于王又舍人曰以歲時

懸種稷之種以其王后之春獻種司稼曰辨種稷之種周知其名

管子有務市事曰正月令農始作服于公田農耕乃雪釋始焉

○周書君牙曰心之憂危若蹈虎尾涉春冰

○禮雜記孟獻子曰正月至可以有事於上帝

○周禮曰春官宗伯使帥其屬而掌邦禮以佐王和邦國

○周禮牧師曰孟春焚牧

○詩豳風二之日鑿冰仲仲三之日納于陵陰

○昭四年傳去祭寒藏之

○周禮凌人曰春初治鑑

○離騷曰帝高陽之苗裔兮朕皇考曰伯庸攝提貞于孟陬兮惟庚寅吾以降皇覽揆余初

度兮肇錫余以嘉名余曰正則字余曰靈均爾雅曰大歲在寅曰攝提格又正月為陬又父為考楚懷王者當周顯王之時

○難經四十一難曰肝東方木也木者春也萬物始生

○二月曰仲春 爾雅二月為如

○月令曰是月也日夜分雷乃發聲始電蟄蟲咸動啓戶始出

○小雅小明去二月初吉載離寒暑 昭三年傳去火中寒暑退周語曰自今至於初吉陽氣俱蒸土膏其動

○月令曰天子乃鮮羔開冰先薦寢廟鮮羔獻字誤

○昭四年正月傳曰祭寒而藏之獻羔而啓之公始用之又古者日在北階而藏冰西階朝見而

○豳風曰二之日鑿冰沖沖三之日納于凌陰四之日其登獻羔祭韭

○爾雅曰春祭曰祠春獵為蒐周禮大宗伯曰以祠春享先王隱五年傳去春蒐

○月令曰擇元日命民社周禮大宗伯曰社之日涖下來歲稼又大司馬曰獻禽祭社

○豳風曰四之日舉趾同我婦子饁彼南畝田畯至喜

○桓五年傳去凡祀啓蟄而郊周禮韞人曰凡月鼓必以啓蟄之日周禮筮人章曰中春擊土鼓

○土鼓歛豳詩以逆暑中秋夜迎寒亦如之凡國祈年于田祖歛豳詩擊土鼓以樂田畯

○月令曰是月也毋竭川澤毋漉陂池毋焚山林天子乃鮮羔開冰先薦寢廟上命

○樂正習舞釋菜天子乃帥三公九卿諸侯大夫親往視之仲丁又命樂正入學

○堯典曰日中星鳥以殷仲春 月令曰此月也日夜分

習樂是月也。祀不用犧牲，用圭璧，更皮幣。

○周禮大胥樂師云：春入學舍，采合舞，秋頒樂合聲。

○周禮大司馬曰：仲春，遂以蒐田，有司表貉，誓民，鼓遂圍禁，火幣，獻禽，以祭社。

○周語曰：王治農於藉，蒐於農隙。

○周頌云：昊天有成命，郊祀天地也。

○周頌時邁：巡守，告祭，柴望也。

○舜典：歲二月，東巡守，至岱宗，柴望，秩山川，肆觀，東后。

○周禮羅氏曰：仲春，羅春鳥，獻鳩，以養國老，行羽物。有司而饁，獸于郊，遂頒禽。

○周禮內宰曰：仲春，詔公帥外內命婦，始蠶于北郊。

○周禮牧師云：仲春，通淫。

○月令：季春，乃合累牛，騰馬，遊牝于牧。

○莊廿九年傳曰：凡馬，日中而出，日中而入。

○周禮司烜氏曰：仲春，以木鐸，修火禁，于國中。

○三月曰季春 爾雅三月為宿

○月令：此月也，生氣正盛，陽氣發泄，句者畢出。

○又曰：桐始華，又曰：虹始見。

○月令曰：具曲植籩筐，后妃齋戒，親東鄉躬桑，禁婦女毋觀，省婦使，以勸蠶事。

○豳風云：春日載陽，有鳴倉庚，女執懿筐，遵彼微行，爰求柔桑。

○豳風云：蠶月條桑，取彼斧斨，以伐遠揚，猗彼女桑。

○召南采芣者：夫人不失職也。夫人可以奉祭祀，則不失職也。于以采芣，于沼。

于汜，于以用之。公侯之事，于以采芣，于澗之中，于以用之。公侯之宮，被之僮僮。

夙夜在公，被之祁祁，薄言還歸。

○豳風云：春日遲遲，采芣，祁祁，女心傷悲，殆及公子同歸。

○小雅出車曰：春日遲遲，卉木萋萋，倉庚喈喈，采芣，祁祁，執訊，獲醜，薄言還歸。

○月令曰：季春，薦鮪于寢廟。

○周頌潛序云：季冬，薦魚，春，獻鮪。

○周禮獻人曰春獻玉鮪
 ○隱五年春之傳云公將如棠觀魚者臧喜伯諫曰凡物不足以講大事其材不足
 足以備器用則君不舉焉
 ○周頌曰嗟嗟保介維莫之春亦又何求如何新畝於皇來牟將受厥明
 ○昭廿年春傳耕于鄙

○三月日春春
 ○三月日春春
 ○三月日春春
 ○三月日春春
 ○三月日春春
 ○三月日春春
 ○三月日春春
 ○三月日春春
 ○三月日春春
 ○三月日春春

○四月曰孟夏 爾雅夏為昊天為朱明為長贏四月為余

分

○月令曰農乃登麥又麥秋至

○隱三年夏四月鄭祭足帥師取溫之麥管子輕重已曰以春至始數九十二日謂之夏至麥熟

○楚辭曰滔滔孟夏草木莽莽

○楚辭哀郢曰臨水而大息望孟夏短夜兮

○詩小雅四月維夏

○月令天子始絺 註服暑服也

○月令蠶事畢后妃獻繭

○周頌曰噫嘻春夏祈穀于上帝也

○襄七年夏四月三卜郊不從乃免牲子孟獻子曰吾乃今而後知有卜筮夫郊祀后稷以祈農事也是故啓蟄而郊郊而後耕今既耕而卜郊宜其不從也

○僖十三年成十年成十七年襄七年襄十年四月卜郊不從

○周禮凌人曰夏頒冰掌事秋刷

○昭四年傳曰祭寒藏冰，獻羊而啓之，公始用之，火出而畢賦。
○昭六年春之傳曰火未出。○昭九年四月傳曰陳災，又曰火出而火。○月令曰孟夏盛德在火。○堯典曰日長星火，以正仲夏。○昭十八年五月之傳曰火始見。○莊廿九年傳曰龍見而畢務，火見而致用。○周禮司燿曰季春出火，季秋內火。○襄九年傳曰古之火正，或食於心，食於味，以出內火，是故味為鶉火，心為大火。○爾雅曰大火大辰也，柳鶉火也。○僖五年傳曰其九月十月之交乎，丙子且日在尾，月在策，鶉火中。○襄廿七年傳曰十二月己亥朔日有食之，辰在申，司曆過也，再失閏。○哀十二年傳曰冬十二月蝨，季孫問諸仲尼曰丘聞之火伏而蟄者畢，今火猶西流，司曆過也。○詩豳風曰七月流火。○昭三年傳曰火中寒暑乃退，周語曰火之始見，期于司里，又曰火見而清風戒寒。

○五月曰仲夏 爾雅五月為皋

○月令曰是月也日長至陰陽爭死生分

○唐風葛生曰夏之日冬之夜又七年曰趙衰冬之日也趙盾夏之日也

○桓五年傳去龍見而雩

○月令曰是月也命樂師脩鞀鞀鼓均瑟琴管簫執于戚戈羽調竿笙篳簧飾鐘磬枳鼓命有史為民祈祀山川百源大雩帝用盛樂乃命百縣雩祀百辟卿士有益於民者以祈穀實

○周禮司馬曰仲夏月遂以苗田如蒐之法車幣會以享禘

○爾雅夏祭曰禘夏獵為苗

○周禮大宗伯曰以禴夏享先王

○隱五年傳夏苗

○舜典曰五月南巡守至于南岳如岱禮

○宣十五年傳曰夏五月申叔時僕曰筑室及耕者宋必聽命從之

○豳風去五月鳴蜩又曰斯螽動股

堯典曰日長星火以正仲夏

月令曰此月也日長至呂氏音律曰仲夏日長至

管氏曰以春日始
數九十二日謂之夏至
淮南子曰日長至
又曰日夏至



六月五日
○六月五日
○六月五日
○六月五日
○六月五日

○六月曰季夏 爾雅六月為旦

○月令曰溫風始至蟋蟀居壁鷹乃學習腐草為螢

○幽風曰六月莎雞振羽又曰六月食鬱肥及麩

○月令曰命婦官采黼黻文章

○月令曰土潤溽暑大雨時行燒薙雉行水利以殺草如以執湯

○周禮稻人去凡稼澤夏以水殄草而芟黃之

○小雅六月徂暑

○小雅六月棲棲

○成十年傳云六月晉公欲來使甸人獻麥

○哀十七年六月傳曰使師取陳麥陳人禦之敗哀十二年傳曰司曆過也云

○月令此月也樹木方盛

○七月曰孟秋 爾雅秋為夏天為百藏為收成七月為相

○月令曰涼風至白露降寒蟬鳴鷹乃祭鳥用始行戮

○月令曰農乃登穀天子嘗新先薦寢廟

○豳風曰七月流火又七月鳴鵙又七月食瓜

○月令曰孟夏之月王瓜生

○莊八年秋傳曰齊公使連稱管至父戍葵丘瓜之時而往日及瓜而代期戍公問不至請代弗許故謀作亂

○楚辭九辨曰秋既先戒以白露兮

○隱三年傳去秋又取成周之禾

○隱四年秋諸侯之師敗鄭徒丘取其禾而還

○宣七年秋取向隣之禾

○管子輕重己曰以夏日之至始數九十二日謂之秋至禾熟

○孟獻子曰七月日至可以有事于祖

○周禮雍氏去春令為阱獲溝瀆之利於民者秋令塞阱杜獲

○難經十五難曰秋脉毛者西方金也萬物之所終草木葉華皆秋而落

○八月曰仲秋 爾雅八月為壯

○月令曰盲風至鴻雁來玄鳥歸又曰是月也可以築城郭建都邑穿窬宮修困倉又曰勸種麥毋或失時又曰此月也日夜分雷始收聲蟄蟲壞戶殺氣浸盛陽氣日衰水始涸

○楚辭九辨去悲哉秋之為氣也蕭瑟兮草木搖落而衰

○舜典去八月西巡守至西岳如始

○桓五年傳曰始殺而嘗

○月令曰此月也乃命宰祝循行犧牲視全具案勿苟泰瞻肥瘠察物色必比類量小大視長短比中度五者備當上帝其饗天子乃難以達秋氣以大嘗麻先薦寢席

○周禮大司馬曰仲秋月遂以獵田如蒐田之法羅幣致禽以祀祈

○周禮大宗伯曰以嘗秋享先王

○爾雅秋祭曰嘗秋獵曰獮隱五年傳曰秋獮

○周禮小宗伯嘗之日泄卜來歲苴月令九月大饗皇帝嘗又曰為來歲受朔且恐錯乱乎

○僖十五年秋七八月之傳去秦伯伐晉卜徒父筮之曰歲去秋矣我落其實而取其林所以克也

○周禮司裘去仲秋獻良裘

堯典曰宵仲星虛以殷仲秋

月令此月也日夜分

○豳風云八月萑葦又八月載績載玄載黃我朱孔陽為公子裳又八月剝棗又八月斷壺又八月其獲

○周頌良耜秋報社稷也

○戰國策齊閔王策曰至歲八月降雨下淄水至則汝殘矣降大雨自上下也

○九月曰季秋 爾雅九月為玄

○月令曰是月也草木黃落乃伐薪為炭蟄蟲咸俯在內皆墜其戶

○月令曰是月也霜始降又九月上帝命樂正入學習吹周禮大胥曰秋頒學合聲

○豳風云九月授衣又曰九月肅霜又曰九月叔苴采荼薪樗又曰九月築城圃

○周禮司裘云季秋獻功裘以待頒賜

○周禮典婦功曰凡授嬪婦功及秋獻功

○周語云隕霜而冬裘具清風至而脩城郭宮室故夏令曰九月除道

○小雅四月去秋日淒淒百卉具眺

○胤征曰季秋月朔辰弗集于房瞽奏鼓嗇夫馳庶人走義和尸厥官罔聞知昏迷

于天象以于先王之誅

○管子輕重已曰於乃請以令以九月種麥日至日獲則時雨未下而利農事矣

○月令曰仲秋勸種麥莊七年傳云秋大水無麥苗

○管子曰正月朝穀之始也日至百日黍稷之始也九月歛實平麥之始也

○十月曰孟冬。爾雅冬為上天為玄英為安寧十月為陽

分

○月令曰水始冰地始凍又曰虹藏不見

○月令曰是月也天子始裘命有司曰天氣上騰地氣下降天地不通閉塞而成冬

○豳風六月十月獲稻為此春酒以介眉壽又曰納禾稼又曰十月獮場又十月隕穰十月蟋蟀入我牀下

○唐風蟋蟀曰蟋蟀有堂歲聿逝

○月令曰此月也大飲丞天子乃祈來年于天宗大割祠于公社及門閭臘先祖五祀勞農以休息之天子乃命將帥講武習射御角力

○周禮司寇曰孟冬祀司民獻民數于王

○周頌豐年秋冬報也豐年多黍多稌亦有高廩萬億及秬為酒為醴丞畀祖妣

○詩十月篇曰十月之交朔日辛卯日有食之又曰燁燁震電不寧不令

○周語曰清風至而修城郭脩宮室故夏令曰九月除道十月成梁

○十一月曰仲冬 爾雅十一月為辜

○月令曰冰益壯又曰日短至陰陽爭諸生蕩嚴卿云此月諸生蕩盡也

○豳風曰之日臚發又曰一日之日于貉取彼狐狸為公子裘

○楚辭九辨曰冬又申之以嚴霜

○隱五年傳去冬狩

○桓五年傳去閉罽而丞

○爾雅冬祭曰蒸冬獵為狩

○周禮大宗伯去以蒸冬享先王

○周禮大司馬去仲冬月遂以狩田又曰致禽饁獸于郊入獻禽以享烝

○舜典曰十有一月朔巡守至于北岳如西禮

○唐風葛生曰夏之日冬之夜

○月令仲冬曰日短至則伐木

○周禮山虞曰仲冬斬陽木仲夏斬陰木

堯典曰日短星昴以正仲冬

月令此月也日短至呂氏音律曰日短至淮南子曰日冬至又曰

[Faint bleed-through text from the reverse side of the page]

日短至

○周禮柞氏曰夏日至令刊陽木而火之冬日至令剝陰木水之

○月令日短至陰陽爭諸生蕩君子齊戒處必掩身欲寧去声色禁嗜慾安形性事欲靜以待陰陽之所定又曰塗闕廷門闕築囹圄此所以助天地閉藏也

○月令曰命奄尹申宮令審門閭謹房室心重閉

○孟子離婁曰子產聽鄭國之政以其衆興濟人於溱洧孟子曰惠而不知為政歲十一月徒杠成十二月輿梁成民未病涉也

○十二月曰季冬 爾雅十二月為涂

○月令曰冰方盛水澤腹堅命取冰冰以入 昭四年傳曰百者日在陸而藏冰 爾雅曰玄枵虛也 顛頊之虛虛也此 際虛也

○周禮凌人掌冰政歲十有二月令斬冰三其凌

○豳風去二之日澌金冰沖沖

○月令曰是月也日窮于次月窮于紀星回于天數將幾終歲且更始專而農民毋有所使天子乃與公卿大夫其飾國典論時令以來歲之宜

○豳風去二之日栗烈無衣無褐何以來歲又曰二之日其同載纘武功言私其縱猷狎于公

○小雅四月篇曰冬日烈烈飄風發發

○周頌潛序去禾子冬薦魚

○月令曰命魚師始漁天子親往乃嘗魚先薦寢廟

○魯語曰夏宣公濫于四淵里革斲其罟而棄之曰古者天寒降土蟄發水虞於是乎講民罟取名魚登川禽而嘗之寢廟行諸國人助宣氣也

○襄十八年傳去冬十二月楚師涉魚齒之下甚雨及之楚師多凍

○宣十二年冬傳曰師人多寒王巡三軍拊而勉之三軍士皆如挾纊

○周禮天府曰季冬陳玉以貞來歲之徵惡
○難經七難曰冬至之後得甲子小陽玉
○四十難曰肝東方木也木者春也萬物始生其尚幼意無所親去陰尚近離小陽不遠

史記曆書曰

○昔自在古曆建正作於孟春於時冰泮發蟄百草奮興種鳩先澤物廼歲具生於東次順四時卒于冬分時鷄三號卒明撫十二節卒于丑日月成又曰王者易姓受命必慎始初改正朔易服色推本天元順承厥意○禮大傳去聖人南面而治天下必自人道始矣立權度量考文章改正朔易服色殊徽號異器械別衣服此其所得與民變革者也○昭十七年傳曰冬有星孛于大辰西及漢申須曰彗所以除舊布新也天事恒象今除於火火出必布焉諸侯其有火災乎梓慎曰往年吾見

之是其徵也火出而見今茲火出而章必火入而伏其
 居火也久矣其與不然乎火出於夏為三月於商為四
 月於周為五月夏數得天若火作其四國當之在宋衛
 陳鄭乎宋大辰之虛也陳大皞之虛也鄭祝融之虛也
 皆火房也星孛及漢漢水祥也衛顓頊之虛也故為帝
 丘其星為大水水火之牡也其以丙子若壬午作乎水
 火所以合也若火入伏必以壬午不過其見之月○昭
 十八年夏五月宋衛陳鄭災傳曰夏五月火始昏見丙
 子風梓慎曰是謂融風火之始也七日其火作乎戊寅
 風甚壬午大甚宋衛陳鄭皆火

政朔考證圖

六月未	五月午	四月巳	三月辰	二月卯	正月寅	天皇	大
六月午	五月巳	四月辰	三月卯	二月寅	正月丑	人皇	大
六月巳	五月辰	四月卯	三月寅	二月丑	正月子	地皇	大
六月辰	五月卯	四月寅	三月丑	二月子	正月亥	建	大
六月卯	五月寅	四月丑	三月子	二月亥	正月戌	建	大
六月丑	五月丑	四月子	三月亥	二月戌	正月酉	建	大
六月子	五月子	四月亥	三月戌	二月酉	正月申	建	大
六月亥	五月亥	四月戌	三月酉	二月申	正月未	建	大
六月戌	五月戌	四月酉	三月申	二月未	正月午	建	大
六月酉	五月酉	四月申	三月未	二月午	正月巳	建	大
六月申	五月申	四月未	三月午	二月巳	正月辰	唐	大
六月未	五月未	四月午	三月巳	二月辰	正月卯	虞	大
六月午	五月午	四月巳	三月辰	二月卯	正月寅	夏	大
六月巳	五月巳	四月辰	三月卯	二月寅	正月丑	殷	大
六月辰	五月辰	四月卯	三月寅	二月丑	正月子	周	大
六月寅	五月寅	四月丑	三月子	二月亥	正月戌	秦	大

七月申	八月酉	九月戌	十月亥	十一月子	十二月丑
七月未	八月申	九月酉	十月戌	十一月亥	十二月子
七月午	八月未	九月申	十月酉	十一月戌	十二月亥
七月巳	八月午	九月未	十月申	十一月酉	十二月戌
七月辰	八月巳	九月午	十月未	十一月申	十二月酉
七月卯	八月辰	九月巳	十月午	十一月未	十二月申
七月寅	八月卯	九月辰	十月巳	十一月午	十二月未
七月丑	八月寅	九月卯	十月辰	十一月巳	十二月午
七月子	八月丑	九月寅	十月卯	十一月辰	十二月巳
七月亥	八月子	九月丑	十月寅	十一月卯	十二月辰
七月戌	八月亥	九月子	十月丑	十一月寅	十二月卯
七月酉	八月戌	九月亥	十月子	十一月丑	十二月寅
七月申	八月酉	九月戌	十月亥	十一月子	十二月丑
七月未	八月申	九月酉	十月戌	十一月亥	十二月子
七月午	八月未	九月申	十月酉	十一月戌	十二月亥
七月巳	八月午	九月未	十月申	十一月酉	十二月戌

改朔問考證附錄

△不易日月說 前漢

○陸賈曰堯舜不易日月而興桀紂不易星辰而亡

△若言先代同夏數二代改正朔說 時代不詳

○孔叢子曰殷周異正為非乎子思曰夏數得天堯舜之所同也殷周之王征伐革命以應于天因改正朔若去天時之改耳

○太戴禮誥志曰虞夏之歷正建於孟春於時冰泮發蟄百草權輿

○汲冢周書曰夏數得天百王所同其在商湯用師于

夏改民之災，順天革命，改正朔，變服殊號，一矢一質，示不相浴。以建丑之月為正，易民之視。

○潛夫論五德曰：自古自昔，天地開闢，三皇迭制，各樹號謚，以紀其世。天命五代，正朔三復，神明感生，愛與有國。

△王者易姓，皆言改正朔說

前漢武帝以下

○董仲舒三代改政，質文曰：春秋曰：王正月，傳曰：王者孰謂？文王也。謂曷為先言王而後言正月？王正月也。何以謂之？王正月曰：王者必受命而後王，王者必改正朔，易服色。又曰：三正以黑統初正，日月朔于營室，斗建寅。

又曰：赤統日分平明，平明朝正，黑統日分鳴晨，鳴晨朝正，白統日分夜半，夜半朝正。

○董仲舒漢武帝問賢良，荅曰：孔子曰：亡為而治者，其舜乎？改正朔，易服色，以順天命而已。其餘盡循堯道，何更為哉？故王者有改制之名，亡變道之實。

○十三經疏鄭玄曰：帝王易代，莫不改正建朔。

○史記舜典正月上日，註鄭玄曰：舜正建子。

△改正朔為三統，非先王遺法說

○漢書司馬遷傳曰：大史公執遷手而泣，而曰：予先周室之大史也，自上世掌顯功名，虞夏典天官事，後世中

棄絕於予乎。女復爲大史，則續吾祖矣。今天子接千歲之統，封泰山而予不得從行，是命也。夫命也，予死，爾必爲太史，爲太史，毋忘吾所欲論著矣。未章遷俯首流涕曰：小子不敏，請悉論先人所次舊聞，不敢闕。卒三歲而遷爲太史，令紬史記石室金縢之書。五年而當太初元年十一月甲子朔且冬至，天曆始建於明堂，諸神受記。未章曰：漢興已來，至明天子，獲符瑞封禪，改正朔，易服色，受命於穆清。

○漢書律曆志：公孫卿、司馬遷言：歷紀壞廢，宜改正朔。是時御史大夫兒寬明經術，迺詔寬曰：與博士共議。今宜何以爲正朔？服色何上？寬與博士賜等議，皆曰：帝王必改正朔，所以明受命於天也。創業褒改，制不相復，推傳序文，則今夏時也。臣等問學褊陋，不能明階下躬聖發憤，昭配天地。臣愚以爲三統之制，後聖復前聖者，二代在前也。今二代統絕而不序矣。唯階下發聖德，宜考天地四時之極，則順陰陽以定大明之制，爲萬世之則。於是迺詔御史曰：迺者有司言曆未定，廣延宜問以考制度，未能讎。

△伏生傳：改正朔者，易正月，與更日分說。

○尚書大傳：去夏以孟春月爲正，殷以季冬爲正，周以

仲冬為正、夏以平旦為朔、殷以鷄鳴為朔、周以夜半為朔、又曰、周以日至為正、殷以日至三十日為正、夏以日至六十日為正。

△三王正若循環窮則返本說

○史記曆書曰、夏正以正月、殷正以十二月、周正以十一月、蓋三王之正、若循環窮則反本、天下有道則不失紀序、無道則正朔不行於諸侯。

△三統窮微妙說

○漢書律曆志曰、向子歆究其微妙、作三統曆及譜、章末三代據一統、明三統、常合而迭、為首、登降三統之首、周

旋五行之道、故三五相包而生、天統之正、始施於子半、日萌色赤、地統受之於丑初、日肇化而黃、至於丑半、日牙而白、人統受之於寅初、日孽成而黑、至於寅半、日半成而青、天施復于子、地化自丑、畢於辰、人生自寅、成于申、故曆三統、天以甲子、地以甲辰、人以甲辰。

○班固集白虎通曰、夏以十三月為正、殷以十二月為正、周以十一月為正。

△以下混諸說

○史記曆書註、索隱云、案古曆謂黃帝調曆以前、有上元大初曆等、皆以建寅為正、謂之孟春、顓頊夏禹亦以

建寅為正

○史記曆書註索隱曰黃帝及殷周魯亦以建子為正
○史記堯典殷中春註楊慎曰殷之為言正也正即正
朔也所謂四殷者即四朔也

○史記高祖元年十月註顏師古曰以十月為歲首即
以十月為正月今此正月當是謂之四月也

○五雜俎曰改年而不改月秦政之失也三代皆改月
又曰以一月為正月蓋自唐虞已然舜正月上日受終
於文祖是已唐虞月建不可改而歲首必曰正月足以

證

正仲文錄如三五賦曰而生天曆文五故故於

○千百年眼曰武帝記元曰自武帝立年号以紀元改
秦政而用夏吾知千萬世而下湯武復興不能易何者
漢非用夏也用古歷也殷周未有改元之法此子丑之
所由建武帝易之為年号又曰一月為正月蓋自唐虞
已然

○通鑑曰顓頊時始以寅月為正月夏禹王元年亦隨
此法

○夢溪筆談曰正月寅二月卯謂之建其說謂斗柄所
建不必用此說但春為寅卯辰夏巳午未理自當然不
須因斗建也

○三才發秘曰、但考詩書周禮、皆建寅為正、而周正建子之說、似乎難加、豈古人亦有隨意而言之乎、抑後世以周之失曆言之乎、即子朱註、三統之說、余謂未必是朱子之言。

△不易正月說 〇見論書

〇黃子日抄 〇徐氏筆勢 〇宋學士 〇冰化篇
 〇圖書篇 〇麟經疏 〇十三經解語 〇

△夏月冠周月說

〇王陽明 〇張以寧 〇丘光庭 〇程伊川 〇午亭文
 〇邵堯父 〇善齊子 〇魏了翁 〇陳元齡 〇劉知夫
 〇楊舛庵 〇故文定 〇顧炎武

○漢初以建亥為歲首、唐武公以十一月為正月、十二

月為臘月、正月為一月、不改時月、亦未嘗書十一月為歲首、肅宋又以子月為歲首、以斗建紀行之、僅一年而止、去正月考

△三統正月及秦漢正月圖

漢正 亥	秦正 亥	周正 子	天統子	地統丑	殷正 丑	人統寅	春
二子	二子	二丑	二丑	二寅	二寅	二卯	春
三丑	三丑	三寅	三寅	三卯	三卯	三辰	春
四寅	四寅	四卯	四卯	四辰	四辰	四巳	夏
五卯	五卯	五辰	五辰	五巳	五巳	五午	夏
六辰	六辰	六巳	六巳	六午	六午	六未	夏
七巳	七巳	七午	七午	七未	七未	七申	秋
八午	八午	八未	八未	八申	八申	八酉	秋
九未	九未	九申	九申	九酉	九酉	九戌	秋
十申	十申	十酉	十酉	十戌	十戌	十亥	冬
十一酉	十一酉	十一戌	十一戌	十一亥	十一亥	十二子	冬
十二戌	十二戌	十二亥	十二亥	十二子	十二子	十二丑	冬

稱三統正而誤古書之月數

○書誓一月 周正月者 戊午師渡孟津 史記曰戊午十

△史記曰伐受十一年十二月 周十二月也 戊午師畢渡盟津

△竹書紀年曰殷受五十年冬十一月 殷十一月也 戊子周師渡盟津

○昭十七年經曰冬有星孛于大辰 此傳 冬有星孛于大辰 末章


火出於夏為三月於商為四月於周為五月夏數得天

△漢書律歷志曰經曰春王正月傳曰周正月火出於夏為三月於

商為四月於周為五月夏數得天

○桓五年傳曰龍見而雩 杜氏註曰龍見建巳之月蒼龍宿

祭天遠為百穀所膏雨



△王充曰春秋左傳曰啓蟄而雩龍見雩啓蟄龍見皆
論衡曰周之四月正歲二月之時龍星始出故傳曰
龍見而雩龍星見時歲已啓蟄

○史記始皇曰改年始朝賀皆一本皆下有良字自十月朔

○史記禘書曰遂以十月至灞上為漢王以十月為年首

△顏師古曰十月為歲首即以十月為正月今此正月

當謂之四月也

○國語曰昔武王伐殷

歲在鶉火未章曰歲之所在則我周之分野也按鶉火

月在天駟未章曰月之所在辰馬農祥也又曰王以二

日在折木津未章曰星與日辰之位皆北維王以二月

書曰甲子昧爽率其旅

辰在斗柄未章曰星與日辰之位皆在北維又曰王以

星在天龜未章曰星與日辰之位皆在北維又曰我姬

雅曰星紀斗牽牛也按星紀

旋轉而在天龜也言節氣也

△國語韋昭解昔武王伐殷

歲在鶉火謂武王始發師東行時殷十一月

月在天駟謂戊子日

日在折木津謂戊子日

辰在斗柄謂戊子之後三日得周正月辛卯朔於殷為

星在天龜謂周正月辛卯朔二日壬辰辰星始見三日
 三十一日二十九日
 巳未晦冬至

改朔問考證終

證據學著述錄

懷河

青信有志

證とハ神農氏ハ伏羲氏と證とハ黃帝氏ハ神農氏と證とハ尚書
 ハ三墳と證とハ孔子ハ詩書易等と證とハ義理と用ク學子派乃題
 目と也且此目錄ハ載とハ所の書ハ刻全備らざといへとも同志の徒學
 派の大抵と窺ハの一助ハなるんと是ハ記を而已

古三墳讀本

序文并訓点附二冊
 女護島子著

古三墳證

女護島子の指所と奉て
 證と引く谷氏の著

尚書證解

汶嶺子の指所と揚て訓
 と附け爾雅と證と取
 解と女護島子著

四始考證

詩大序ハ載四始之とあると
 題として風并小雅大雅頌の記
 とが那文と以て詳と星野子
 常子著

五聲音釋證

詩經の音と五聲と分
 け音韻の便と女護
 島子著和氣氏の序

易學簡理證

先天後天の説と除て
 繫辭傳と以て其義
 と解く女護島子著

孝經證訣

女護島子著

孝經證

女護島子著華人の序文
 と載

大學證

星野子常子著

中庸證

女護島子著

爾雅證

釋詁釋訓譯言證と別て訓と附傳よめる如く六藝と釋する訣と解と女護島子著

改朔問考證

周正月の論と秦火以上の書籍と奉る今の如くも解と女護島子著

字義惑問

亂と治と訓せむ離を著と訓せむと證を以て女護島子著

古起辭證

秦以上の書に發語を用たると奉て用法を便む女護島子著

古疊辭證

經籍の疊字を奉る用法を便む女護島子著

聖賢語聯

孔夫子并弟子及諸賢の語と一所集其性を察するの便と女護島子著

經註隔義錄

諸書の疑と集る疑惑と解便む女護島子の指所を用て青信有集

尚書人物證

女護島子著右全和氣氏の序

詩經證

詩經の風雅の所一冊證と奉女護島子著

古文體

古文の體と集作文の便む女護島子著

尚書辭例

女護島子著

繫辭傳詞例

女護島子著

大學考證

星野子常子著加那文

論語證

女護島子著

老子解

大道と仁義と同意ある証と如く註女護島子著華人の序文と載

文辭考

文辭の問あるは付て對する証と以て女護島子著

問答類集

當學と疑ひ問あるは答たる書籍を集女護島子著

古介辭證

秦以上の書に助字を用たる奉て用法を便む女護島子著

經元搜義

經籍の語を搜る便と女護島子著

史傳引證集

左傳中へ詩易書と引所を擧る引證乃便と女護島子著

論語人物證

諸人物の績を秦以上の書に載と集る今の雜説と異る訣の便と女護島子著

本邦風雅集

詩經體の詩と集る古風雅の詩作の便と女護島子著

好學牘話

學派の義理と尺牘の當學と好むの便と女護島子著

四書辭例

此辭例は四書切枝語を集節用の如字法文法又事實と標出之便と且四書と經大學論語中庸と女護島子著

易經辭例

女護島子著

詩經辭例

女護島子著

古序辭例

女護島子著

春秋史傳辭例

女護島子著

老子辭例

女護島子著

法華經辭例

此書の要用の辭許を
挙げて引證の便を
護島子著

古尺牘辭例

戰國秦漢の簡と撮て
尺牘の便を女護島子著

自書艸體集

艸書の體を眞字と
附て用法の便を女
護島子著

續文淵遺珠

書家の讃銘詠物等
の便を波嶺子小綱と
女護島子著之望序

古字彙證

秦以上の用語を集めて
と小解と那と字義字法の便
と小綱と波嶺子と女護
島子執筆と企未果と

詩經人物證

女護島子著
和氣氏の序

